

172. Tug Tswv Yesxus Nwg Raug

1. Tug Tswv Yesxus Nwg raug kev txom nyem
Nwg tau tuag sau ntoo ntsa teg
Luas ntxub luas thuum hab tsim txom Tswv Yesxus
Ua le caag puab sab phem ua luaj
Yesxus tsi txhum txawm yog tuag los Nwg tsi ntshai
Ca cov neeg txhum ua kuas txaus sab
Mob npaum twg los Nwg yeej tiv
Nwg tuag twb yog theej peb lub txhoj
Peb yuav tsum ncu Yesxus tshaav ntuj
2. Luas ntaus hab nplawm tsi muaj leej twg hlub
Raug txom nyem tsi muaj neeg quav ntsej
Luas muab ntsa hlau lug ntsa Nwg teg Nwg taw
Hab muab mov lug nkaug Nwg phaab taav
Yesxus tsi foom Nwg tsi tshev Nwg yeej tsi nti
Nwg zoo sab tuag paab peb kuas dlim
Thaus Yesxus zaaj nrov nchaa moog
Thoob plawg huv qaab ntuj nuav taag nrho
Neeg txhaj paub lug ntseeg tug cawm seej
3. Thaus Tswv Yesxus Nwg txuj sa tu nrho
Twb yog Nwg theej neeg lub txhoj
Suav dlawg ntshai kawg vim thaaj aav ua zug koog
Tsaus ntuj nti thoob plawg lub nplaj teb
Suav dlawg txhaj paub tas Yesxus yog Vaajtswv tag
Tug twg tso plhuav Nwg kev txhum tseg
Tug ntawd txhaj tau txuj sa ntev
Txij nuav moog Nwg yuav ua neeg tshab
Nrug Vaajtswv nyob moog le ib txhis